

Sarajevo, 20.06.2018.

Broj: 365-02-2/18

Na osnovu člana 7. stav 1. tačka b) Pravilnika o postupku direktnog sporazuma JU „Pozorište mladih Sarajevo” broj: 133-01-2/15 od 01.09.2015. godine, Plana javnih nabavki za 2018. godinu broj: 271-02-2/18 od 01.06.2018. godine, Poslovnika o radu Upravnog odbora JU „Pozorište mladih Sarajevo“ broj: 398-01-2/17 od 12.12.2017. godine, Pravilnika o javnim nabavkama JU „Pozorište mladih Sarajevo“ broj: 134-01-2/15 od 01.09.2015. godine, Odluke o davanju saglasnosti za sprovođenje postupka javne nabavke putem pregovaračkog postupka broj: 282-02-2/18 od 05.06.2018. godine, na preporuku Komisije za nabavku iz Zapisnika komisije o ocjeni ponude br. 359-02-2/18 od 19.06.2018. godine, donosi se

### **ODLUKA** **o izboru najpovoljnijeg ponuđača**

1. U postupku javnog nadmetanja sprovedenog putem pregovaračkog postupka, objavljenom na web stranici ugovornog organa dana 08.06.2018. godine, za izbor najpovoljnijeg ponuđača za:  
1. Nabavku i ugradnju gledališnih stolica I (238 kom) i gledališnih stolica II (12 kom)  
2. Nabavku i ugradnju itisona, 220 m<sup>2</sup> i 3. Nabavku zavjesa, 230 m<sup>2</sup>, Komisija za javnu nabavku gledališnih stolica, itisona i zavjesa br: JN-R-281-02-2/18, izabrala je ponudu ponuđača *DMF office d.o.o. Tuzla* u vrijednosti od **75. 639, 86 KM** bez PDV-a.
2. Sa izabranim ponuđačem iz tačke 1. ove odluke, saglasno ponudi, zaključuje se odgovarajući ugovor.
3. Ova odluka stupa na snagu danom donošenja.

### **Obrazloženje**

Po Odluci o pokretanju postupka br. JN-O-276-02-2/18 od 05.06.2018. godine i Rješenju o formiranju komisije za javnu nabavku gledališnih stolica, itisona i zavjesa br. JN-R-281-02/18 (u daljem tekstu Komisija) od 05.06.2018. godine pokrenut je postupak javne nabavke za predmetnu nabavku prema procijenjenoj vrijednosti od 75.641,00 KM bez PDV-a.

Komisija je za gore navedenu predmetnu nabavku putem pregovaračkog postupka bez dodatnog objavljivanja izradila tendersku dokumentaciju odnosno Poziv za dostavljanje zahtijeva za učešće br. 286-02-2/18 od 08.06.2018. godine, te isti dostavila ponuđaču DMF office d.o.o. Tuzla. Istog dana, 08.06.2018. godine, objavljena je informacija o provođenju pregovaračkog postupka na web stranici Pozorišta ([pozmladi@bih.net.ba](mailto:pozmladi@bih.net.ba)).

Postupak javne nabavke se odvija u tri Faze i to:

1. Faza br.1 - Predkvalifikacija
2. Faza br. 2- Poziv za dostavljanje početnih ponuda i na pregovaranje
3. Faza br. 3 - Poziv za dostavljanje konačnih ponuda i ocjenjivanje konačnih ponuda.

Obzirom da je tačkom 4. Poziva za dostavljanje ponuda navdano da je rok za dostavljanje Zahtijeva za učešće u postupku javne nabavke (u daljem tekstu: Zahtijev), 14.06.2018. godine do 15,00 sati, to je Komisija dana 14.06.2018.godine u 15,30 sati izvršila otvaranje dostavljenih zahtijeva, gdje je utvrđeno da je blagovremeno i uredno zapečaćen dostavljen jedan Zahtijev, i to od ponuđača:

1. DMF office d.o.o. Tuzla.

Komisija je nakon otvaranja dostavljenog zahtijeva za učešće postupak nastavila u smislu pregleda kvalifikacionih dokumenata koji su priloženi uz Zahtijev, u cilju utvrđivanja kvalifikovanosti kandidata shodno uslovima navedenim u Pozivu za dostavljanje zahtijeva za učešće ponuda.

